

Reglement for fylkestrafikktryggingsutvalet

Publisert 08. juli 2015

Vedteke av fylkestinget i sak nr 25/95 og 45/03.

§ 1 Val og samansetnad

Utvalet er eit underutval under hovudutval for samferdsle. Det skal vere fylkeskommunen sitt trafikktryggingsutval, jf. fylkeskommunen sitt ansvar etter § 40a i vegtrafikklova for å tilrå og samordne tiltak for å fremje trafikktryggleiken i fylket.

Utvalet har 5 medlemmer med varamedlemmer.

Medlemene og varamedlemene skal veljast slik: To frå hovudutval for samferdsle, ein frå hovudutval for opplæring, ein frå hovudutval for kultur og ein på fritt grunnlag.

Fylkestinget vel medlemene til utvalet, herunder leiar og nestleiar. Valet gjeld for den fylkeskommunale valbolken.

Dersom ein medlem trer endeleg ut av vervet, skal fylkestinget velje nytt medlem, jf. kommunelova § 16, nr 3. Er utvalet valt ved høvestalsval, skal det supplerast frå den gruppa som står bak den som sluttar som medlem. Gruppene kan ved gjensidig avtale likevel verte samde om å bytte posisjonar mellom hovudutvala ved slike høve, dersom fylkestinget finn å kunne godkjenne det ved valet.

Dersom leiaren trer endeleg ut av vervet skal fylkestinget velje ny leiar, jf. kommunelova § 16, nr 4.

Fylkesrådmannen har møte- og talerett i utvalet, jf. kommunelova § 23, nr 3. Retten kan utøvast av han personleg eller av ein av hans underordna.

Representantar frå etatar som arbeider med trafikktrygging (vegvesen, politi, skuleverk, Trygg Trafikk og andre) kan inviterast til å delta i møta i utvalet. Desse har talerett, men ikkje framleggsog røysterett.

§ 2 Arbeidsområde

Det politiske ansvaret for fylket sitt trafikktryggingsarbeid ligg hjå hovudutvalet for samferdsle. Trafikktryggingsutvalet skal vera rådgjevande for hovudutvalet samt ha vedtaksrett i dei saksområde der dette er spesielt nemnt i dette reglementet.

§ 3 Oppgåver og mynde

Trafikktryggingsutvalet skal:

A) Ta dei initiativ utvalet finn nødvendig, og samordne offentleg og frivillig trafikktryggingsarbeid i fylket. Trafikktryggingsutvalet har ansvar for utarbeiding av Handlingsprogram for trafikktryggingsarbeidet i Sogn og Fjordane. Trafikktryggingsutvalet kan og gje fråsegner til andre planar som er viktig for trafikktryggleiken. Utvalet kan krevje å få lagt

fram kommuneplanar, reguleringsplanar, planar etter veglova, undervisningsplanar og andre planar der trafikktryggleiken er særleg viktig.

B) Gje fråsegn i saker som vert lagt fram for utvalet frå hovudutvalet og andre saker som er viktige for trafikktryggleiken.

C) Ta avgjerd i desse sakene: a. Fordeling av særskilde trafikktryggingsmidlar løyvd av fylkestinget (under teneste 7210 og 7211).

D) Stimulere og støtte det kommunale trafikktryggingsarbeidet.

E) Stimulere og støtte det frivillige trafikktryggingsarbeidet.

F) Ta opp andre saker som er viktig for trafikktryggleiken.

§ 4 Sekretariat

Fylkesrådmannen er ansvarleg for at sekretariatsfunksjonen vert utøvd på ein tilfredsstillande måte. Gjennom sams vegadministrasjon har Statens vegvesen sekretariatsansvaret for FTU. Sekretariatet skal førebu sakene til utvalet på vegner av fylkesrådmannen. Sekretariatet har ansvar for at vedtaka vert iverksette.

Sekretariatet i samråd med leiaren kan innkalle til møta i utvalet personar som ein finn det ønskeleg å rådføre seg med i einskilde saker.

Del dette:



Relaterte lenker